


Amakaamo ne eming'ooro: Willem de Vink

YEESU MASIYA

Omuutu wuno akukyoosya ekyaaro




EKI NI...



Amasabhi: Oragaamba na Taatabhugya, bhukiri kasi kwe eriiraka no oramwiitegeerera ewe (ekiseku kya 18, 19 na 42).

Ebhibhi: Amang'ana gano tukukora kure no obhuseegi bhwa Taatabhugya bhuno bhukuturekya etwe kuhikira amiiseego ga Taatabhugya gano anago kwiiguru weetu (ekiseku kya 4).



Ebiburia: Mu Biburia oratura kusoma kyeego Taatabhugya akubharoreerera abhaatu na kyeego akubhiimeererera.

Egoro Muhoreeru: Egoro wa Taatabhugya wuno akweenda kwiikara muusi wa abhaatu bhano bhakumutuna Yeesu (ekiseku kya 58).



Enyaangi ye ebhyaakurya bhyo

Omukuru: Abhaanabheega bha Yeesu bharahiita oruku rwaaye no obhuryooki kwo okurya omukaate no okunywa amaanzi go omuzabibu (ekiseku kya 41).



Enyaangi yo Okuhiita: Kwe esimuka ya Abhayahudi yaari ni nyaangi yo okuhiita obhutuurya bhwa Abhiiziraeri kurwa Misiri. Kweeki ni nyaangi yo okuryooka kwa Yeesu (ekiseku kya 38-54).

Maraika: Omubhagati wa Taatabhugya wuno akutumwa kureeta amang'ana okurwa kweewe (ekiseku kya 5).



Masiya: Omutemi, "Omuhakwa Amaguta." Masiya ni ng'ana ye Ekieburania egarwiirwe kwe Ekiyunaani kyeego Krisito (ekiseku kya 52 na 55).

Obhuhoru bhwa kirakeego: Okwiikara na Yeesu kyeego Taatabhugya akeenda. Bhurahiza oruku na bhutariho obhuteero (ekiseku kya 23, 29- 30 na 59).



Obhuryoori: Yeesu akaryooka mubhaku. Orusiku rumwe abhaatu bhoosi bhararyoorwa mubhaku. Okumara Taatabhugya arabhatinira ekiina abhaatu bhoosi (ekiseku kya 53- 57).

Obhutemi bhwa Taatabhugya:

Obhutemi bhwa Taatabhugya bhuri harya hano abhaatu bhakumwiigwa.

Obhwaabhiri: Taatabhugya araabhira, yiingabha atariho omutu wuno akweenderwa. Taatabhugya araabhira eraabhe heene awe origaamba ebhibhi no oreenda kwiikibhuka. Obhwaabhiri bhurabhoneka, kwo okubha Yeesu akagega obhutemwa bhweetu bhuno etwe tukeenderwa kugega (ekiseku kya 58).

Obhwiikirirya: Okumwiikirirya Taatabhugya kwa kino yarageenie kukora (ekiseku kya 58).

Okukyoora: Ebhigiro bhyoosi bhirabha bhihya eriibhaga Yeesu araakyoore mukyaaro. Eriisaaro ne ekyaaro bhirakyoosibhwa na Taatabhugya (ekiseku kya 57).

Omusaraba: Eriiti rye enyaako rino ryahokeeribhwe kumubhaamba Yeesu. Ebheeri ni bhweerekenio kubhaanabheega bhoosi bha Yeesu (ekiseku kya 25 na 50).

Omwaana wa Taatabhugya: Eriina rya Yeesu. Ni mutu wuno akaaza kurwa ku Taatabhugya na ni Taatabhugya.

Omwaanamweega: Omutuniiriri wa Yeesu (ekiseku kya 18).

Orubhaango: Ebhigiro bhyoosi bhino Taatabhugya akweenda kubhahaana abhaatu bharya bhakukora bhino akweenda.

Seetaani: Omukuru wa amasaambwa amabhi, omubhisa no omubhi wa Taatabhugya.

Yeesu: Eriina ryo Omwaana wa Taatabhugya. Obhugazuro bhwaaku ni "Taatabhugya aratuurya."



YEESU MASIYA NI WEEWI?

Yeesu akiikara kye emyaaka ebhikwe bhimbiri gino gyahitiri mu Iziraeri. Turamubhirikira “Yeesu Masiya” kasi “Yeesu Krisito.” Amariina gano gano obhugazuro bhwo omutemi. Etari kubha ni mutemi ego. Yino eno obhugazuro kubha ewe ni Taatabhugya no omuutu. Eriigano ryo obhwiikari bhwa Yeesu rigaambirwe muusi we Ebiburia. Ni riiragano ikuru eriibhaga ryoosi.

ERIIBHAGA RYA YEESU


Eriibhaga ryeetu rirataanga kwo okwiibhurwa kwa Yeesu. Abhaatu bhakagya orugeendo kwa amaguru kasi kwe eziitikiri, ngamia kasi iguru ye ezifaraasi. Ahagiyo ahakuru ha Bhuraya, Nyaanza ya Asiya na range mu Afrika yaari no obhubhaahi bhwe Ekirooma. Abhaatu bhaaru bhatamenyiri okusoma no okukaama, nawe Abhayahudi mu Iziraeri bhakanagya. Bhakabhirikirwa “abhaatu bhe ekitabhu.”

Taatabhugya aragaamba mukitabhu, mu Biburia. Ewe ni Mubhuumbi we ebhigiro bhyoosi na areenda kubha omusaani wa abhaatu bhoosi. Yeesu akeerekya riyo kubhweero bhukong’u.





IZIRAERI ERIIBHAGA RYA YEESU



Omugye omukuru: Yerusaremu.

Emigye: Gariraaya, Samaria, Yudea.

Obhukuru: Amataambuka go omuraba ebhikwe miroongo ebhiri na bhinaane ego.


Esi yiikyooriri: Ibhorya mbubha.

Esiasa: Kweema omwaaka gwa miroongo esaasabha ne etatu akyaari kwiibhurwa Yeesu, Abhiiziraeri bhakakaangatibhwa na Abharooma.

Eserikaare: Omwaanaangwa we Ekirooma, Pontio Pirato, arabhaaha Iziraeri. Tiberio, Kaisari we Ekirooma, akamubhaaha.

Enyaangi: Obhuyahudi. Abhayahudi bhaari ne eriiseengerero Yerusaremu. Abhaseengeri bharakora ezituubho zyoosi zye emirimo gye enyaangi na bhariho abheegya (kyeego bhurya Amafarisaayo) bhano tee bhareerekya abhaatu ameegyo ge Ebiburia.

Ekigaambo: Ekieburania (ekigaambo kya Abhayahudi), Ekigiriki (ebhigaambo bhye ebhyaaro), Ekiratiini (ekigaambo kya Abharooma).



Kwe ekigiriryeki abhaatu bhaaru bhariikumania kukitaaro?



Mwiibhanure, obhutemi
bhwa Taatabhugya
bhuraaza!



Mutaange obhwiikari bhuhya.



Ehaazi yo okutina ekiina kya Taatabhugya yiibhanwiiri okutina emiri gyo omuti.



Omuti guyo gwoosi guno gutakwiibhura emisumo emizomu guratinwa no okurekerwa mumuriro.





Etwe twoosi hamwe tutinwe. Ni weewi wuno akunagya kwiikara obhwiikari bhuzomu?

Eheene. Atariho omutu wuno akunagya okwiibheza obhutini bhwe ekiina kya Taatabhugya. Nawe, okumara enye, araaza wuno araakyoosye kimwe obhwiikari bhweenyu.



Mbe, eheene mureenda obhwiikari bhweenyu bhwiikyoore? Ambe, mutige ebhibhi bhyeenyu na muuze mubatiizwe mumaanzi gano.





Mweeriibhwe ebhibhi bhyeenyu. Bhoono mwiibhanwiiri okutaanga obhwiikari bhuhya.

Abhaatu bharamubhirikira omurwaazi wuyo mukitaaro harya kwe eriina rya Yohana Omubatiizi.

Enye nitari kigiro.
Ndamubhanurira
amang'ana wuno akuuza
okutubhuurira
Taatabhugya ni weewi.
Arabhabatiiza kwe
Ekoro wa Taatabhugya
no omuriro gwa
Taatabhugya. Ekitiika
kya kiyo, kirabhakyoora
kimwe.



No okumara ...



Enye
nireenderwa
nibatizwe
naawe!



Kora ego. Niho
turakuunaania
gano Taatabhugya
akweenda.




Taata, obhutemi
bhwaazo bhuuze
no obhuseegi
bhwaazo
bhukorwe.





Okumara eriiraka
rikarwa mwiisaaro
rirabhuga.

Ambe, wuno
niwe Omwaana
waane
omuseegwa,
nizomereerwe
neewe.



Ni bhweemero bhwe eriibhaga ryeetu rino, niho Yohana Omubatiizi hano akubhanura Abhiiziraeri kwo okuuzza kwa Masiya. Eriibhaga rino, Iziraeri ni hagiho hasuuhu ego ho obhutemi bhukuru bhwe Ekirooma.



Abhayahudi mu Iziraeri bhariiyigwa kubha ni bho okubhaandiriribhwa. Abhaatu bharaganya kwe enaamba, eriibhaga rino Masiya araaze. Masiya wuno, niwe Omutuurya wuno okuuzza kwaaye kurageenwe mumakaamo ga Abhayahudi. Ewe arakiinia eheene ya Taatabhugya.

Mukitaaro kya Yorodaani harya, Yohana Omubatiizi aramusomoserya ekyara Yeesu.



Rora, wurya niwe Eng'oondu ya Taatabhugya wuno akuruusya ebhibhi bhye ekyaro.



Obhubatiizo bhwa Yeesu hano bhwahwiiri, Ekoro wa Taatabhugya aramukaangata Yeesu mwiitirigo.

Ariikara eyo kwe eziisiku miroongo ene obhutiku no omwiisi. Hano akubha eyo, atakurya kyokyoosi. Kutuukana no okusabha no okwiisiitya, agimenyiri emirimo gyaaye kubhweero.



Okubha abhone okuhiza, Yeesu ereenderwa yeerekye ekyaro ameendi ga Taatabhugya. Ni miiseego ga Taatabhugya kubha abhaatu bhiirihe obhukaango bhwo oruku.

Yeesu arasakibhwa na Seetaani, omubhaahi we ekiirima wuno atakurorekana, wuno akubhaaha ekyaro kwo oruku no obhubhi.



Taata, ndakora ryoryoosi riry rino okweenda.

Nawe Seetaani, omwaangi waaye, arasakya okumuha Yeesu amiiseego amabhi okubha abhone okumung'eena atakuunaanania omurimo gwa Taatabhugya.

Aribha awe naawe Omwaana wa Taatabhugya, okyoosye amagina gano gabhe emikaate.

Zeyi! Ekaamirwe mukitabhu: Omuutu atakunagya kwiikara kwo okurya ebhyaakurya ebhyeene, nawe ariikara kumang'ana gano gakurwa ku Taatabhugya.

Aribha awe naawe Omwaana wa Taatabhugya, yeerekya! Wiirekere haasi okurwa kukinazo kye eriiseengerero. Mbe, etakaamirwe kubha bhamaraika bharakugega mumabhoko?

Rora, eraabhe oraanihigamire no okuniseengera, ndakuha obhuturo bhwoosi mukyaaro.


Okumara gayo, Seetaani aramutiga Yeesu kwe eribhaga riyo. Bhamaraika bharaaza kumusakirya.

Ekaamirwe kweeki: Otamusakya Taatabhugya.


Noorwe hano, Seetaani! Ekaamirwe: Ereenderwa tumuseengere no okumuhokeerya Taatabhugya omweene ego.

Yeesu ariizuribhwa ne Ekoru Muhoreeru, hano yaari akukyoora mumugye gwa Gariraaya. Bhariiseega no okwiibhuurya eraabhe Yeesu niwe Masiya wuno amang'ana gaaye gakaamirwe na abharooti.

Obhweenga bhurakorwa mumugye gwa Kana kuhiguru hya Gariraaya.



Yeesu woosi yaariho mubhweenga bhuyo, hamwe na nina waatabhu na adhamwe bha abhasaani bhaaye.





Nawe gatigati we enyaangi...

Ekisyo ekibhi, amaanzi go omuzabibu gahwiiri.

Mukore ryoryoosi rirya rino Yeesu araabhabhuurire.



Mwiizurye amaanzi muziiseengo eziikuru ziyo, okumara mutahe no okumuha omukuru we enyaangi, okubha asame.



Gano gatari maanzi kweeki. Nawe amaanzi gikyooriri kubha amaanzi go omuzabibu gano gazomiri bhukong'u!



Gasamaku. Awe otuuriri amaanzi go omuzabibu amazomu tee obhuteero.



?



Nikyaari kugya obhweenga kya bhuno. Nikyaari kurora amaanzi gakukyoosibhwa kubha amaanzi go omuzabibu, na amaanzi go omuzabibu gano gazomiri bhukong'u.

Guyo nigwo gwaari omurimo gwa Yeesu wa Nazareeti.

Wuno ni weewi?

Kaperinamu ni mugye gwa abhategi guno gukukura imbarika ye enyaanza ya Gariraaya. Hano niho Yeesu akutaanga kugaamba kubhweero kwiiguru yo obhutemi bhwa Taatabhugya.



Na hano niho akusora abhaanabheega bhaaye bho obhweemero.




Petero, tugeendye obhwaato tee mubhuzibhe, eyo niyo muzirekere eziinzero zyeenyu.



Taata, tukoriri omukya obhutiku kukya ndora tutabhweeni kigiro.



Nawe kwo okubha awe obhugiri ego...



Ekiruguuro. Nitakumenya kimwe!






Yaakobo,
Yohana, muuze
hano! Tukyaari
kutega eziiswe
nzaru kya zino!




Onitige, Omukuru. Enye
ni muutu we ebhibhi.

Otoobhoha, Petero.



Munituniirire.



Muuze munituniirire!
Enye ndabhakora mubhe
abhategi bha abhaatu.




Yeesu arataarira ahagiho hoosi ha Gariraaya hamwe na abhaanabheega bhaaye. Arahorya amarweeri no okuheebha amasaambwa amabhi. Abhaatu bhararuguura no okumutuniirira. Abhaandi bhararweera mumigye egiindi na Yerusaremu. Bhariitegeerera kisi, eng'ana yoyoosi yino akubhuga.




Hakiriku bhe enzara ne enyoota ye eheene, kwo okubha Taatabhugya arabhiigutya.




Hakiriku emwe bhano mukurira bhoono, kwo okubha muraaza kuseka.




Hakiriku emwe hano mukusokwa na abhaatu kwe ekigirirye kyaane. Muzomererwe no okuriiryatya, kwo okubha esaambo yeenyu







Mubhakorere abhaatu
abhaandi kyeego mukweenda
bhabhakorere emwe.




Wowoosi wurya akumurora
omukari kwo okumwiigoomba,
amariri kuseebheeta nawe
mukoro yaaye.




Mutabha no obhwitiimaati
kwiiguru ya tabhoori. Hiinga
mubhukomye obhutemi bhwa
Taatabhugya no okumara
amang'ana agaandi garaaza.




Mubhaseege abhabhisa
bheenyu no okubhasabhira.




Eriiso ni tara yo omubhiri.
Eraabhe eriiso ryaazo ni horu,
ambe, omubhiri gwaazo
gwoosi gurabha mubhweero.
Nawe eraabhe eriiso ryaazo ni
isariku, oriikara mukiirima.



Mugahokye gano nikubhabhuurira. Niho
mukutuubhana no omutu wuno akwoomboka
enyumba yaaye kwiitare. Muritama
kugahokeerya niho mukutuubhana no omutu
wuno akwoomboka enyuumba yaaye kumarobha.




Mukore amazomu kibhezo
okutama okwiiyeerekya
embere wa abhaatu.



Atariho omutu wuno akunagya
kubhahokeerya abhakuru bhabhiri,
kisyararamuhokeerya Taatabhugya,
kisyararahokeerya ebhigiro.

Orusiku rumwe amahizo ga abhaatu bhaari bhiiruumbiiriri munyuumba muno Yeesu yaari mumugye gwa Kaperinamu.

Tutakunagya na rumwe kusikira muusi muyo.



Tee tumusikirye ewe ne ekiigi kyaaye kuhitira kwiirongo rye enyuumba.

Niki kiri iguru eyo?

Mubhatige. Abhasaani bhayo bhano obhwiikirirya bhukuru.




Nikwaabhiiri ebhibhi bhyaazo.

Aranagyabhwu wuno okubhuga ego?


Akamutuka Taatabhugya!

Taatabhugya omweene ego niwe akunagya kuruusyaho ebhibhi.

Ni ng'anaki ehuhu kukira okumubhuurira omuutu wuno ebhiimo bhyaaye bhikuuri: "Nikwaabhiiri ebhibhi" kisiya "Wiimeerere"?



Masiya ano obhuturo bhwo okwaabhira ebhibhi, nawe enye ndabhuga: Gega obhuriri bhwaazo no ogeende.





Kino nikiruguuro!

Ambe! Bhoono enye ndanagya okugeenda!

Rora arageenda!

Nawe etari bhoosi bharazomererwa gayo amahokya ga Yeesu. Abhakaangati bhe eziinyaangi bhariisuunza aribha Yeesu aragituna emigiro gyo orusiku rwo okumuunya. Iziraeri, abhaatu bhararekibhwa okukora emirimo gyogyoosi, kurusiku kya runo.



Omuutu wuno niwe yaari no okubhoko kuno kukuuri. Mbe, kurusiku runo rwa reero ni bhwaheene okukora eng'ana enzomu?



Gororokya okubhoko kwaazo.



Ereenderwa wuno tumusikye!



Mbee! Nihoriri!



Abhakaangati bha Yerusaremu ereenderwa bhabhuurirwe kubha omuutu wuno aratubhuuzikania.

Yeesu ari mubhwaato hamwe na abhaanabheega bhaaye,
bharagya orugeendo munyaanza ya Gariraaya.






Omukuru,
tusakirye!
Turasika!



Ndora muroobhoha?
Mbe, obhwiikirirya
bhweenyu ni
bhusuuhu?







Ariho omuutu wo okuruguurya wuno akwiikara mukiguru.



Wuyo! Ho!
Weyaa!

Wuyo araaza!



Bhuzomu,
Yeesu!



Ono obhutoongeriki neenye, Yeesu Omwaana wa Taatabhugya wuno ari iguru wa bhyoosi?

Mutige, eriisaambwa eribhi!



Eriina ryaazo niwi?




Nirabhirikirwa Eriihizo, kwo okubha etwe ni bhaaru.




Otwiikiriye tuzisikire eziimbiizi ziyo.


Noogyee!









Ndabhabhuurira, Omwaana atakunagya kukora eng'ana yoyoosi ewe omweene ego. Arakora rino Taata akeenda. Nitakweenda kukora rino nikweenda, nawe obhuseegi bhwa Taata waane. Ewe niwe anitumeenie enye.



Kwe enyaangi, Yeesu aragya kusabha ahagiro hahoreeru.




Hano yamariri kusabha obhutiku kukya, Yeesu arabhasora abheega bhaaye ikumi na bhabhiri. Arabhatuma bhabhiri bhabhiri. Arabhaha obhuturo iguru wa amasaambwa goosi amabhi no okuhorya abharweeri.



Bhano nibho abhahiiri bhabhiri Petero na Andurea...



Abhahiiri bhabhiri bhano Yaakobo na Yohana...



Firipo na Natanieri...


Tomaso na Mataayo, wuno hayo obhutaangiro yaari omutobhya eriigooti kwiiguru ye eserekaare ye Ekirooma...



Tadayo na Yaakobo owuundi...



Simooni omuzeroote (omuhakani omukaangaaruku) na Yuuda Isikariyoti.




Mugye, wowoosi wuno akubhasuung'aana emwe, araanisuung'aana enye, na wowoosi wuno akunisuung'aana enye, aramusuung'aana wuno anitumiri.



Abhaanabheega bhano ikumi na bhabhiri bhakubha no obhuzorogita bhukuru kwiiguru we emirimo gyaabhu gyo obhweega. Okumara gayo, Yeesu areenda kugya nabho kibhezo, nawe amahizo ga abhaatu bhatakweenda okubhatiga.

Amagesa ni maaru, nawe abhagesi ni bhasuuhu. Mumusabhe Omukuru mweene muguundu wurya, okubha abhatume abhagesi bhaaru bhagese amagesa.



Yeesu arageenderera kweeki kurwaaza no okubhahorya abharweeri. Bhoono kurakya...

Firipo, abhaatu bhano bhoosi bharabhonabhwi ebhyaakurya? Ndasabha mubhahe emwe ebhyaakurya bhyobhyoosi, bharye.

Omuheero gwe emyeeri ene gutaangeerekeeri kubhiisa abhaatu bhano.


Ariho hano omwaana wumwe wuno ane emikaate etaano ne eziiswe suuhu ibhiri. Kitariho kyokyoosi kyo obhusaagu.

Bhabhuurire abhaatu bhiikare mumahizo ga abhaatu miroongo etaano miroongo etaano.

Yeesu aramubhuurira Taatabhugya, "Ozomirye."

Akageenderera ego kutwaania emikaate ne eziiswe zirya.

Ebhikwe bhya abhaatu bharariisibhwa eno
Yeesu araherya ebhyaakurya bhiyo.



Ereenderwa
tumutuure abhe
omutemi.



Wuno, eheene niwe
wurya Masiya wuno
akwiisigirwa kuuza.

Ambe, mwaangarire.
Kune ebhisehi ikumi
na bhighbiri bhino
bhiizwiiri reke,
bhisaagiri.




Eriibhaga rihikiri abhaatu bhano bhagye
zyaabhu. Emwe, mutiire obhwaato
bhweenyu okubha mwaambuke. Enye
ndasaaga hano mukiguru kusabha.





Eriibhaga eriindi...



Weyaa! Guyo ni musaambwa!

Mutoobhoha! Niinye.



Omukuru, eraabhe naawe, nibhuurire niize kwaawe nigeende iguru ya amanzi.

Ambe, nawuuze, Petero.



Omukuru, ntuurya!




Kwaki okiitiimaata, Petero?

Bhariho abhaatu bhano bhakumutuura Yeesu okubha abhe omutemi. Ebho bharamweenda abhakaangate no okubharuusirya obhubhaahi bhwe Ekirooma. Neebho abhahakani bha Yeesu, bhiiyoongeeeri. Bharageenderera kuririirira eziisiku zyoosi. Bhareenda kumugwaatania na abhaatu no okumusikya.



Omukuru, okahika hano ryoori?

Ambe, muranikomya kwe ekigiriye kye emikaate girya niabhaheeri?



Mutahokya iguru ye ebhyaakurya bhino bhikubhora, nawe mukomye ebhyaakurya bhino bhino obhuhoru bhwa kirakeego.



Enye neenye omukaate gwo obhuhoru. Omubhiri gwaane nigwo gukuruusibhwa kwiiguru yo obhuhoru bhwa abhaatu.



Ambe, aranyagabhwi omutu wuno okutuhaana omubhiri gwaaye okubha turye?

Obhuzeema obhweene!





Tiga tugye.

Wuno aragya kung'eena abhaatu bhoosi.



Mbe, neemwe mwoosi mureenda kuntiga?

Omukuru, turagya kuweewi? Ona mang'ana gano gakureeta obhuhoru bhwa kirakeego.



Igutu wo omugye gwa Yerusaremu maanga maaru abhaatu bhariitwa. Bharanyaakibhwa, bhuyo nibhwo obhutemwa bhwo oruku orubhi rwe Ekirooma.



Eraabhe omuutu wowoosi areenda kubha omwaanamweega waane, tee yiiyaange omweene, agege omusaraba gwaaye, antuniirire.

Omuutu wowoosi wuno akweenda kutuurya obhwiikari bhwaaye omweene, arabhubhurya. Nawe wuno akubhurya obhwiikari bhwaaye kwiiguru waane, arabhutuurya.



Oreenderwa omenye kubha ariho Taatabhugya wumwe ego.

Eng'ana ekuru ni kumuseega Taatabhugya kwe ekoro yaazo yoosi, no okubhaseega abhaatu abhaandi kyeego okwiiseega awe omweene.



Eriibhaga rino, giriho emigye gya abhageenge mu Iziraeri. Ebhigeenge ni bhurweeri bhwo okwoobhohya. Bhano bhaagwaatiibhwe obhurweeri bhuyo, bhatakwiikiribhwa kwiisaangya na abhaatu abhahoru.



Abhageenge bharatema ekituri hohoosi hano bhakugya okubha bhabharekye abhaatu abhaandi kubha bharaaza.

Mwiirihe! Bhe ebhigeenge!



Omukuru Yeesu!
Oturorere ebhigoongi.





Mugye mwiiyeerekye kubhaseengeri.




Mbe, tugye kumuseengeri? Okureengibhwa?

Mbe, okumara gayo, niho tukuphona?



?

!



Rora! Nihoriri!



Tuhoriri!

Hee! Tuhoriri!



Taatabhugya ni muzomu, akumibhwe! Ozomirye bhukong'u!



Nikeerya abhaatu ikumi tiigo? Bharya keenda bhari hayi? Mbe, ndora bhatiiziri kumukumya Taatabhugya?



Imeerera! Ohoriibhwe kwo obhwiikirirya bhwaazo, kweeki bhukutuuirye.

Abhakaangati bha
Abhayahudi mu Yerusaremu,
bharabhatuma abhahokya
bhaabhu ku Yeesu, okubha
bhamutuguukurye hano
akubha murugeendo. Ebho
bharahakania emirimo
gyaaye gyo obhweera.

Aragwaatana na abhaatu bho omukumo omubhi kya abhaseebheeti,
abhatobhya bhe eriigooti bhano bhakubhahokeerya Abharooma...

Masiya yiiziri okubhakomya bhano
bhabhuriri okubha abhone okubhatuurya.




Kwo okubha Yeesu
arabhahorya abharweeri
orusiku rwo okumuunya...

Hora!



Na abhaana arabhaseega kwe
ekireengo kyaaye omweene...

Mubhatige abhaana bhayo bhiize
kweenye. Obhutemi bhwa
mwiisaaro ni bhwa abhaatu
bhano bhari kya abhaana bhano.



Yeesu arabhirikirwa kugya Betania, omugye guno guri haguhi na Yerusaremu. Razaro, Maarita na Mariamu ni bhasaani bhakuru bha Yeesu. Razaro yaari murweeri. Yeesu hano yahikiri Betania, akabhona amang'ana kubha Razaro yabhiikirwe eziisiku inye zino zyahitiri...



Omukuru, eraabhe wuungabheeri hano, mura weetu ataangakuuri.



Mura weenyu araryooka, Maarita.



Eheene nimenyiri. Araryooka eriibhaga ryo obhuryooki, orusiku rwo obhuteero.



Enye neenye obhuryooki no obhuhoru. Wuno akuniikirirya enye ariikara. Mbe, Maarita oriikirirya gayo?



Niigo, Omukuru. Enye ndiikirirya kubha awe naawe Masiya, Omwaana wa Taatabhugya, wuno akuuza mukyaaro.



Mumubhiikiri hayi?


Omukuru, nawuuze orore.





Murore, akamuseega heeneheene.

Nawe, ewe ataanganagirywe kururibhira oruku ruyo rwa Razaro?



Ahagiho hano, abhaku bhahibhoibhwa omweenda bharatuurwa muziimbihira zino zibhaazirwe kwiitare.

Muruusyeho eriigina riyu.



Omukuru, ataangiri kuhuza, yiikeeri mumbihira eziisiku inye.

Murarora obhuguungo bhwa Taatabhugya.




Taata, ndagaamba gano okubha abhaatu bhano bhari hano bhabhone okwiikirirya kubha naawe wanitumiri.



Razaro, huruka igutu!



Mumuruusye omweenda guyo, mumutige ageende zyaaye.



Abhakaangati bha Yerusaremu bharabha no obhwiitiimaati bhukong'u iguru wa Yeesu na abhaanabheega bhaaye.



Omuutu wuyo arakora ebhitiika bhyaaru bhukong'u.

Turaatige amang'ana gano gageenderere, Abharooma bharatemya amang'ana makuru.

Bharabhuna eriiseengerero ryeetu no okusikya ekyaaro!

Muhokeerye amang'eeni geenyu. Ni hakiriku bhukong'u kubha omuutu owumwe akwe kwiiguru ye ekyaaro, kukira ekyaaro kigima kisikibhwe.




Kiyo nikyo ekigirirye Yeesu yitwe.

Kweema eriibhaga riyo, abhakaangati bha Abhayahudi bhakabha bharakomya omweeya gwo okumugwaatya Yeesu ku Bharooma. Abharooma nibho bho obhuturo bhwo okuruusya obhutemwa bhwo oruku.


Yaari munyaangi yino yakorirwe Betania...



Amaguta go omuruumbaaso gayo gano obhuguri bhukuru.



Mariamu!



Gaangaguribhwe, abhataka bhahaabhwe eziimbirya ziyo.



Mutige omukari wuno, Yuuda. Aguhakiri omubhiri gwaane omuruumbaaso kugubhanura kwo okubhiikwa.

Enyaangi yo Okuhiita eri haguhi kuhika. Eziisaango zya abhaatu zireerekerera Yerusaremu.



Mumugye gwa Yerusaremu, abhakaangati bharakora omukoonyo gwo okumugwaata Yeesu. Naabhe ewe aragya.



Abhaatu bharamuginiyya kwo obhuzomererwa bhukuru.

Yaaa!

Yaaa!




Atweerwe ebhite ewe wuno akuuza kwe eriina ryo Omukuru!

Omutemi wa Iziraeri!




Yerusaremu, wuungamenyiri okusuung'ana omureembe. Nawe, otakugweenda.



Bhoono tukorebhwi amang'ana gakubha kya gano?

Ekyaaro kigima kiramutuniirira.

Eriiseengerero rino riri
mumugye omukuru guyo, hano
abhaatu bhaaru bhakusabhira.



Eriibhaga rye Enyaangi yo
Okuhiita, eziing'oondu
zihaagwaagwa.



Eziing'oondu zirarusibhwa
ekimweeso mwiiseengerero
kwiiguru ya abhaatu okubha
bhagwaatanibhwe na
Taatabhugya.



Nawe, ekimweesoki kye
eng'oondu kiranagya eheene
okubharuusirya abhaatu
ebhibhi bhyaabhu?



Mwiibhaanza rye eriiseengerero,
abhaatu bhariihokeerya no
obhusuruzya no okukirania eziimbirya.




Yeesu woosi ari hayo.





Enyuumba ya Taatabhugya ereenderwa kubha enyuumba ya amasabhi, nawe emwe muyikyoozirye kubha eriihigi rya abhiibhi!



Wuno ni mubhi. Nawe abhaatu bhariikirirya amang'ana goosi gano akugaamba.



Kwe eheene, tureenderwa kumusikya.




Eraabhe turimukorera eniku, turanagya kumubhona. Hayo niho turaamwiite.

Nawe etabha eriibhaga rye enyaangi. Tutakweenda orwaambi rworwoosi rukorwe eriibhaga rye Enyaangi yo Okuhiita.

Muraniha ekirengoki eraabhe ndaabhagwaatyee Yeesu kweemwe?

Wuyo niwe Yuuda, owumwe wa abhaanabheega bhaaye.




Ndabhagwaatyee Yeesu kweemwe.




Turakuha eziimbirya miroongo etatu oritugwaatyee Yeesu, kyo obhuguri bhwo omugya.




Yeesu arazihokeerya eziisiku zyaaye ekyaari kuhika Enyaangi yo Okuhiita kwo okurwaazira abhaatu mwiiseengerero, yingabha abhakaangati bhaari bharamuha enyaako.



Eriibhaga rye engoroobha, Yeesu na abhaanabheega bhaaye ikumi na bhabhiri bharasikana mumugye okubha bharye Enyaangi yo Okuhiita.






Nduuzi ni bhuzomu turye enyaangi yo okuhiita hamwe neemwe nikyaari kunyaakibhwa.




Bho obhuturo bharabhabhaaha abhaatu kwe eziinguru, nawe emwe, mutakora ego.



Omubhagati wurya wa bhoosi niwe araabhe omukaangati weenyu.




Enye niri gati weenyu kyo omubhagati.





Omukuru, awe oranisaabhya amaguru enye kyeego omubhagati? Zeyi, otakunisaabhya!

Eraabhe enye nitakwiisaabhirye amaguru gaazo, Petero, awe otakubha no obhwiigwaani neeny kweeki.



Omukuru, ambe, otanisaabhya amaguru ageene, nawe na amabhoko no omutwe kweeki!

Wuno yamariri kwiisaabha atana obhweendi bhwo okwiisaabha nawe amaguru.



Emwe muranibhirikira enye Omukuru no Omweegya, muragaamba bhuzomu, kwo okubha niigo niri. Yiingabha enye nibhiisaabhirye amaguru geenyu, kweego neemwe mureenderwa okusakirania kyeego enye nibhasakiirye.



Nitari enye, angu?


Zeyi!

Owumwe weenyu araaza kunirya amatiimbo.



Yuuda, kino okweenda kukora, okikore bhwaangu.







Mubhe murakora ego kwo okunihiita enye.



Mugege omukaate guno, nigwo omubhiri gwaane.



Mugege ekikoombe kino, nikyo amanyiinga gaane gano gakiitika kwiiguru weenyu. Kwe enzira yino, Taatabhugya arakora eriiragano eriihya neemwe.



Nirabhahaana emwe obhuswaagyo obhuhya, museegane kyeego enye niabhaseegiri emwe.



Eraabhe muribha no obhuseegi kya bhuno gati weenyu, abhaatu bhoosi bharamenya kubha emwe ni bhaanabheega bhaane.



Omukuru, enye nirakutuniirira hohoosi. Nirarusya obuhoru bhwaane kwiiguru waazo.



Petero, hano ekorokome ekugaamba, awe orabha omariri kunianga katatu koosi.

Okumara, engoroobha yirya, Yeesu na abhaanabheega bhaaye bharareka mumugye. Yuuda atariho hamwe neebho.



Enye nirabhatiga, nawe Taata arabhatumira Ekoru Muhoreeru. Wuyo arabhasakirya na arabha neemwe kirakeego.

Emwe mumenyiri enzira yino ekugya na ahagiro hano nikugya.



Enye ni nzira, obhuheene no obhuhoru. Atariho omuutu wowoosi wuno akunagya kuuza ku Taata nawe kwe enzira yaane.



Mwiikare hano. Enye niragya embere hasuuhu kusabha.




Taata, eraabhe eraturikana, niruusiryeho eziinyaako zino.



Nawe etabha kyeego enye nikweenda, nawe kyeego awe okweenda.





Muranagyabhwi emwe kuhiindira eriibhaga eriikong'u kya rino? Ambe, mwiimuke. Wuno akunirya amatiimbo amariri kuhika.



Mumugwaate wuno nimuhuumbatiri.



Wareeri, Omweegya!

Yuuda, eheene oramurya amatiimbo Masiya kwo okumuhuumbata?



Omukuru, turwaane nabho?



Zeyi, mutige.



Yeesu arabhiikirirya bhamugege. Abhaanabheega bhaaye bhararyaara hobhyo.

Yeesu arahirwa ku Museengeri Omukuru, wuno ni mukuru wa abhakaangati bhoosi bha Abhayahudi. Petero na Yohana bharamutuna kwa kure.



Petero arasikira muusi wo orubhago rwo Omuseengeri Omukuru.



Ambe, awe otaari nawe?



Tiga obhuzabhuri. Enye naabhe nitamumenyiri omuutu wuyo.

Awe ni wumwe waabhu kisy a zeyi?



Zeyi! Nitamumenyiri.

Nino obhuheene bhukong'u, awe woosi waari harya! Kwo okubha awe woosi ni Mugariraaya!



Omukuru, nitakumenya naabhe kino okugaamba.



Kokoriikoo.



Yeesu aramuroreera
Petero mumeeso gaaye...




Ambe, bhoono
roota. Ni weewi
wuno akukutema?



Etabhoori yaho, Yeesu arareetwa embere we
ekiina kya abhakaangati bha Abhayahudi.

Ambe, awe ni Mwaana wa Taatabhugya?

Emwe murabhuga.
Hee, enye neenye.



Aratuka! Areenderwa
kukwa. Abharooma
bhamutinire ekiina.

Yeesu araretwa embere yo omwaanaangwa we Ekirooma, Pirato. Abhaanaangwa bhe Ekiyahudi bharabhasiigirirya abharoreereri. Bharatema ekituri no okubha na amasemo maaru.



Awe orabhugabhwi iguru amasemo gayo goosi? Mbe, otana ryo okukyoora?



Okoririki?

Enye niiziri okweerekya obhuheene.



Obhuheene niki?




Nitakurora isarya ryoryoosi kumuutu wuno. Ni Nyaangi yo Okuhiita. Nimwiigurire weewi, Baraaba kiswa Omutemi wa Abhayahudi?





Baraaba!

Baraaba!



Ambe, bhoono murenda nimukorebhwi Yeesu wuno?

Mumubhaambe kumusaraba!

Ewe ariiseegera kubha ni mutemi!

Eraabhe orimuhaatira, ambe, awe otari musaani wa Kaisari.



Awe orabha no obhwiiragaanzi okukira ewe.

Baraaba ariigurirwa. Ewe yaari abhonekeeni no obhusarya bhwo obhwiiti bhwe ekisiasa.




..., 37, 38, 39!



Enye ntana obhusarya iguru wa amanyiinga gaaye.



Wareeri, Omutemi wa Abhayahudi.



Murore!
Omuutu wuno!


Mumubhaambe
kumusaraba!

Mumubhaambe
kumusaraba!

Mumubhaambe
kumusaraba!



Pirato arakaama orusigiso okutina ekiina kyo oruku. Obhutemwa bhwo oruku kwo okunyaakibhwa, bhwaari obhutemwa bhwo okwoobhohya heeneheene. Yeesu aragega omusaraba, guno nigwe eriiti rye enyaako, akuhitira eziiroobho zyo omugye.





Ahagiyo hano hakukorerwa okunyaakirya ni igutu yo omugye. Ahagiyo hayo harabhirikirwa Gorigota, ahagiyo he ekihaanga kyo omutwe.



Hano abhasirikare bharamubhaamba Yeesu kumusaraba, mumabhoko na mumaguru.






Orubaawa rukaamirwe mubhigaambo bhitatu no okutuurwa iguru wo omusaraba, nago gakaamirwe ego: "Yeesu, Omutemi wa Abhayahudi."



Yeesu araanga ekinyweebhwa kyo okuribhira obhusuungu.



Abhasirikare bharatemera obhwiitoori eziingibho zyaaye.



Mbe, ataabhatuurirye abhaatu abhaandi?

Eraabhe awe ni Mwaana wa Taatabhugya, ambe, yiika kumusaraba!




Wiituurye awe omweene, na neetwe twoosi!

Awe otakumwoobhoha Taatabhugya naabhe hasuuhu. Etwe turabhona garya tukweenderwa, nawe omuutu wuno ataakoriri ryoryoosi eribhi.

Onihiite hano okusikira mubhutemi bhwaazo.

Ndakubhuurira eheene, reero yino orabha hamwe neenye mwiisaaro.



Ryaari eriibhaga rya kasaasabha mumwiisi, eryoobha rikatiga okubhara, ebhigiro bhyoosi bhikabha mukiirima.



Mariamu, nina waabhu Yeesu, na Yohana, omwaanamweega wa Yeesu, bhariimeerera haguhi no omusaraba.

Bhoono emwe ni mwaana na nina.



Taatabhugya waane, Taatabhugya waane, ndora onitigiri?

Nine enyoota.




Taata, mumabhoko gaazo ndatuura ekoro yaane.



Gahwiiri.



Yeesu arakwa eriibhaga rya keenda mumwiisi. Omusirikare wumwe aramutobhora Yeesu murubharu, gararwa amanyiinga na amaanzi.



Ebhitabhu bhirabhuga, “Akakaangatibhwa kye eng’oondu okugya kugwaagwa.”



“Akasomwa no okubhoondorwa kwe ekigirirye kye ebhibhi bhyeetu.” Nawe bhoono akuuri.



Mbe, niwe wuyo Masiya wuno akiiseegerwa okuza kisya atari?



Ambe, tugeende kusabha orugusa rwo okumubhiika.



Yusufu wa Arimataya na Nikodemo bharagega omubhiri gwa Yeesu. Omweenda hamwe no omuruumbaaso, no okugutuura mumbiihira. Bharatuura eriigina eriikuru mukiseku harya.



Hano bhamuunyiri eriibhaga rye enyaangi yo obhuhiiti, abhakari abhamwe bhe ebhigoongi bhyaaru, bharagya kumbiihira yirya.



Kwaki muramukomya omuhoru gati wa abhaku? Aryookiri! Mugye mubhabhuurire abhaanabheega bhaaye.



Eriigina rihiringitiibhwe kure ne embiihira!





Okwiigwa ego, Petero na Yohana bhakaryaara kugya kumbiihira.



Niki kituukiri?


Embiihira etana kigiro!





Orusiku ruyo, abhaanabheega bhabhiri bha Yeesu, bhakubha bhakuuri emitima, bharamubhona omuhiti kunzira. Bhakabha bhariiruguura nawe iguru yo okwiitwa kwa Yeesu...

Mbe, angu emwe mutakugiikirirya garya goosi gagaambirwe na abharooti? Mbe, eteendirwe Masiya okunyaakibhwa? Gayo goosi gakaamirwe mu Makaamo Amahoreeru.



Kituukiro, eribhaga rye ebhyaakurya, omugini waabhu ararwaho...

Nawe, wuyo yaari Yeesu omweene!



Bharatanura rugeendo rumwe, kugya kubhakomya abhaanabheega abhaandi bha Yeesu...

Tumuruuzi Omukuru!



Mariamu na Petero nabho bhoosi bhamuruuzi!

Kituukiro...

Mubhe no omureembe.





Ambe, emwe mutakwiikirirya kubha enye neenye? Murore amabhoko na amaguru gaane.



Omukuru waane na Taatabhugya waane!



Yeesu arabhahwaarukira abhaanabheega bhaaye kwe eziisiku miroongo ene. Naabhe ariyeerekya kubhaatu amagana ataano kwe eriibhaga rimwe. Orusiku rumwe, ekabha abhamwe bha abhaanabheega bharatega eziiswe munyaanza ya Gariraaya...





Mbe, Petero,
eheene
onseegiri?




Yeesu aramubhuurya
Petero eriibhuuryo
riyo katatu koosi.



Niigo, Omukuru,
awe omenyiri
kubha nikusegiri.

Yaangarira
eziing'oondu zyaane.



Ntuniirira!

Niheerwe obhuturo bhwoosi
mwiisaaro na mukyaaro.
Mugeende mukyaaro mubhakore
abhaatu bhe ebhyaaro bhyoosi
kubha abhaanabheega bhaane.
Mubhabatiize kwe eriina rya
Taata no Omwaana na rye Egoro
Muhoreeru, na mubheegye
okugwaata obhuragirirya bhwoosi
bhuno nikabhabhuurira.




Muhiite kubha, enye ndiho kyomeera
hamwe neemwe, eriibhaga ryoosi tee
obhuteero bhwe ekyaaaro.

Okumara amang'ana
gayo, Yeesu arareka
mukyaaro no okugegwa
mwiisaaro. Nawe kweeki
abhugiri kubha
arakyooro kubhatinira
ekiina abhaatu bhoosi.

Yeesu atanwiiri. Abhaanabheega bhaaye bharaganya mumugye gwa Yerusaremu, bharasabha. Ekoro Muhoreeru, Ekoro wa Taatabhugya, arabhiikira no okusikira muusi waabhu. Ekoro wuryawurya wuno yaari muusi wa Yeesu, bhoono kweeki ariikara muusi waabhu. Arabhaha obhunagya kubha abhaatu abhahya bhano bhakuruusya obhwiimeerereri obhuzomu kwiiguru wa Yeesu.

Oruku rutaanagirye kumuhiza Yeesu. Taatabhugya akamukyoorerya obuhoru bhwaaye. Taatabhugya akamukora abhe Omukuru wa Abhakuru.



Abhaanabheega bha Yeesu bharagya hohoosi mukyaaro yyingabha obhwaangi ni bhukuru.

Yeesu ni Mwaana wa Taatabhugya!



Amang'ana Amazomu gayo gakaraarikwa kweeki kwe enzira ye eziinyaarubha.

Akagega ebhibhi bhyeetu kumubhiri gwaaye omweene hano yakuuri kumusaraba. Kiyo nikyo ekigirirye tutakubhaahwa kweeki ne ebhibhi na kweema bhoono no okugeenderera, turanagya kwiikara kyeego bhurya Taatabhugya akweenda

Bhoono abhaanabheega bha Yeesu, hohoosi mukyaaro, bharasikana no okusabha hamwe no okusoma Ebiburia. Bhararya omukaate no okunywa amanzi go omuzabibu gakubha ni bhuhiiti bhwo oruku rwa Yeesu. Bharagwaatana mubhuseegi bhwa Taatabhugya, bhuno bhuri muusi we eziikoro zyaabhu, na abhanyaarobho bhaabhu.



Yeesu abhasakiirye abhaatu
okukunaania obhwiiseegi
bhwa Taatabhugya.



Yeesu aratuseega!
Omubhuurire ozomirye
no omuseengere!



Taatabhugya yaseegiri bhukong'u
abhaatu bhoosi bha mukyaaro muno.
Nikyo ekigirirye akamuragania
omwaana waaye omweene ego yiize
mukyaaro muno, okubha omuutu
wowoosi araamwiikirirye atabhura,
nawe abhe no obhuhoru bhwa
kirakeego.

WILLEM DE VINK

EBIBURIA

Eriiragano rya Yeesu ni kuhiita mu Biburia. Kitariho ekitabhu ekiindi kino kikusomwa bhoono ego, maanga kaaru bhukong'u kukira Ebiburia. Ni kitabhu kino kikiizura ebhitabhu. Kikagega emyaaka kikwe kimwe na magana ataano okukaamwa. Ebiburia ekakunaana emyaaka kikwe kimwe na magana keenda gino gyahitiri. Erakunaania ezituubho zyoozi zye eriigano kwiiguru kyeego Taatabhugya akiikuundukura mubhwiikari bhwa abhaatu. Eriigano rya Yeesu rireerekya bhukong'u Taatabhugya ni weewi.


EHISTORIA YA YEESU

Ebiburia erakuunaania ebhitabhu bhine bhino bhikugaambira obhwiikari bhwa Yeesu. Bhigaambirwe kukomya amariina ga abhakaami. Abhakaami bhoosi bhakiikara eriibhaga rya Yeesu.

1. Mataayo - omwaanamweega wa Yeesu. Akakora emirimo kyeego omutobhya we eriigooti. Aragarura kyeego bhurya Yeesu akabhahokeerya abhaatu bha Iziraeri (Abhayahudi).

2. Mariko - yaari akyaari mumura eriibhaga rino Yeesu yaari akukora emirimo. Arakaama kwiiguru ye ebhitiika bhino Yeesu yakoriri.

3. Ruuka - yaari mugabhu. Ewe omweene atamumenyiri Yeesu. Ruuka arakeerenerya kyeego Yeesu yabhahokereerye abhaatu.



4. Yohana - ewe woosi yaari omwaanamweega wa Yeesu. Ewe areerekya kiindi Yeesu ni weewe. Yeesu ni Taatabhugya wuno yaari muutu. Akaaza okubhatuura abhaatu mubhwiiragaanzi no okubharuusya mubhibhi.

OKWIIBHURWA KWA YEESU

Mariamu, nina wa Yeesu yaari akyaari kukweerwa eriibhaga rino Yeesu yibhwirwe. Yaari akyaari okumumenya omusubhe. Amiiseego ga Taatabhugya gaari kubha Yeesu yibhurwe. Ekitiika kirya kikarwaazwa mubhitabhu bhye ekare kukyaari eriibhaga rya Yeesu. Yeesu atiibhwirwe kyeego omuhaara kasi omuutu mukuru. Akiibhurwa munyuumba ye emitugo kwo okubha omweeya gutaari guriho munyuumba.

EBHITIIKA BHYA YEESU

Yeesu akakora ebhitiika bhyaaru. Ebiburia eragaamba akabhahorya abhaatu kukira maanga miroongo ene. Kwe enzira ye ebhitiika, Yeesu akeerekyama amanaaga ga Taatabhugya no obhuseegi bhwaaye. Akeerekyama kubha Taatabhugya areenda kubhasakirya abhaatu no okubhakora bhabhe no obhuzomererwa.



ORUKU RWA YEESU NO OBHURYOOKI BHWAAYE



Kwaki Yeesu akakwa? Amaragiriro garuusiibhwe mu Biburia.

Eriibhaga eriindi abhaatu bhoosi turakora amabhi. Amang'ana gano gatakumuzomera Taatabhugya no okumukora kubha no obhururu kasi okutiinda. Amang'ana gayo garabhirikirwa ebhibhi. Ebhibhi bhyoosi bhiranagya kuribhira abhaatu kubha abhasaani bha Taatabhugya. Kiyi nikyo ekigirirye Yeesu akaaza.

Kwo okwiiruusya kwaaye Yeesu akagega ewe omweene obhuteemwa bhwe ebhibhi bhyeetu. Obhuteemwa bhuyo bhwaari ni ruku. Kweema Yeesu akwe kwiiguru weetu, turanagya kubha abhasaani kweeki na Taatabhugya. Nawe tureenderwa okusabha obhwaabhirwa kwo obhusarya bhuno twakoriri. Yeesu akaryooka mubhaku. Taatabhugya akamukora muhoru kweeki. Kwe ekisigo kino Taatabhugya akatweerekye kubha ewe ano obhunagya bhukong'u kukira oruku.

Bhoono Yeesu ariikara na Taatabhugya. Na kwo okubha ariikara, eriibhaga ryoosi aranagya kubha musaani weetu. Areenda kutusakirya etwe kwiikara munzira yino ekumuzomeerya Taatabhugya.

AMASABHI

Eraabhe oriisasaame kumabhi gano wakoriri ne eraabhe oreenda okubha omusaani wa Taatabhugya, oratura kusabha amasabhi kyeego gano:

“Taatabhugya wo obhuseegi, oraniseega.

Okamutuma Yeesu, Omwaana waazo omweene ego.

Akakwa kumusaraba kwe ebhibhi bhyaane bhoosi bhino niakoriri.

Ndasabha oniabhire kwe ebhibhi bhyaane bhino niakoriri. Ndakwiisasaama oniabhire.

Ozomirye, kubha Yeesu ari rubhaara rwaane.

Eriibhaga ryoosi ndeenda nibhe waazo

Ndasabha onisakirye niikare obhwiikari bhurya bhuno okweenda enye niikare.

Obhe haguhi neenye eriibhaga ryoosi.

Ozomirye kwo okukyoora amasabhi gaane.

Orakora bhyoosi bhino okuragania.”

YEESU NA NAAWE

Eriigano rya Yeesu rino obhuteero bhwa mwaasi. Yeesu yaari musaani wa abhaatu bhaaru bhukong’u, tee bhoono. Ekyaaro kiikibhukiri. Abhaatu bhaaru bhatakugya orugeendo kwe eziitikiri kasi iguru we eziifarasi nawe bharagya orugeendo kwe eziimootoka ne eziindege. Nawe yino etakukora kubha bhuundi ku Yeesu. Aranagya kubha neetwe kyeego bhurya yaari akugeenda Iziraeri. Atakurorekana nawe ewe ni omweene. Areenda kubha musaani waazo reero. Mwiitegeerere no oranagya okumuseega ewe.

Awe, oreenda kumenya kukiraho kwiiguru wa Yeesu no obhwiikari bhwaaye? Oranagya kukora gano gakuuza:

1. Taanga okusoma Ebiburia awe omweene.

Taanga okusoma Amang’ana Amazomu gano gakaamirwe na Ruuka.

2. Taanga kusabha.

Gaamba na Taatabhugya no omwiitegeerere ewe - otakweenderwa kuhokeerya amang’ana amakuru.

3. Gaamba na abhaatu abhaandi kwiiguru wa Yeesu ne Ebiburia.

Yeesu areenda abhaanabheega bhaaye kusikana hamwe no okutongerana eziikoro no okweega kukiraho kwiiguru waaye.

Text and illustrations: Willem de Vink.

Copyright © 1993 Stichting Wereldtaal, Houten, The Netherlands.

Published in Dutch as “Jezus Messias”.

Edition in Zanaki (Tanzania) / Ekizanaki© 2023 ISBN: 978-90-73150-75-1

Digital copyright under the terms of the Creative Commons BY-SA license

All rights of translation, reproduction and adaptation reserved for all countries.

email: jmpbk.app@gmail.com

<https://jesusmessiahcomicmedia.com/Tanzania>

YEESU MASIYA Rino ni igano rye eheene rya Yeesu Masiya. Akiikara Izraeri kwe emyaaka 2000 gino gyaahitiri. Omuutu wowoosi wuno yasikeeni nawe akaruguura. Atariho omuutu wuno yakoriri ekigiro kino ewe yakoriri. Atariho omuutu wuno yabhugiri ekigiro kino ewe yabhugiri. Ebhiitika bhikakorwa harya Yeesu yaari. Na akareeta obhuzomererwa kubhoosi bhano yiikeeri nabho na ku bhano bhaamwiitegereeri. Kituukiro ekabha obhuteero. Abhabhisa bhaaye bhaari neewe okung'etwa. Nawe bhuyo bhutaari obhuteero. Soma awe omweene kyeego gatuukiri no ororeerere kyeego amagano ga Yeesu Masiya gakugeenderera.



*Ekigaambo: Ekizanaki
Language: Zanki (Tanzania)
ISBN: 978-90-73150-75-1*